

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opuscula Spiritalia - I. Horologium Asceticum. II. Principia Vitae
Christianae. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

Cap. 11. Gemitus animae poenitentis pro incipientibus

urn:nbn:de:hbz:466:1-9969

Tu spes mīhi, tu p̄mūm,
 Tu portus es fiduciae:
 Te freatus uno pertuli
 Sortis procellam turbidæ.
 Inter labores asperos
 Lumen tue clementie,
 Repente fulgens, vim procul
 Abesse jussit Tartari.
 Salve supernum incendium,
 Clarumque mentium jubar:
 Ad te revertor, supplicem
 Voca per ignes mysticos.
 Descende flamma, illabere
 Cœlorum ab arce fulgida,
 Infunde cœco pectori
 De fonte lucis lumina.
 Cor, ossa, fibras eoncrema,
 Venas, medullas, viscera,
 Ipsamque mentem, ac spiritum,
 Ut totus ardeam tibi.
 Os sors beata, ò gaudium,
 Conjuncta cùm mens Numinis,
 Et immemor rerum omnium,
 Te diligit perenniter.
 Summo Parenti Cœlitum,
 Natoque, & almo Flaminis
 Sit laus, decusque perpetim
 Nunc & per omne seculum.

CAP. XI. Gemitus Animæ Pœnitentis pro Incipientibus.

QUAMVIS expertis difficile non sit propriis motibus ad Deum assurgere, possitque unusquisque ex pharetra sui cordis sagittas orationum depromere; ne his tamen deficientibus pius Asceta aridus reperiatur, dectave lignorum mysticus ignis in ara cordis extinguitur: ex Scriptura & sanctis Patribus sylvulanu Aspiratio-

Ff ii

num collegi , pro triplici statu Incipientium , Proficien-
tium , & Perfectorum ; in quarum usu & praxi quid
servandum sit , jam supra explicatum est . Habes hic eas
in varias decades distributas , quo facilius valeant me-
moriæ mandari : cui studio aliquot dies tribuendi sunt .
Quid enim prodest multas Aspirationes in libello de-
scriptas habere ; nisi etiam memoriæ inscriptæ , imo &
insculptæ sint , ut in promptu habeantur omni hora , &
momento ? Propone autem primo loco gemitus animæ
pœnitentis , naturæ & doctrinæ ordinem sequutus : quia
ut perveniamus ad id quod nondum sumus , purgare pri-
mó id quod sumus , & lacrymis eluere debemus .

DECAS I.

1. **D**omine Deus meus , ego vilissimus sum peccator ;
indignus planè , quem terra sustineat . Miserere
mei , & salva me .

2. Domine , qui es summum bonum meum , quam
longè per peccatum recessi à te , & habito in regione hac
longinqua miseriārum , ubi perdidi me .

3. Pater amantissime , peccavi in cœlum . & coram te ,
verè non sum dignus vocari filius tuus , fac me obsecro
sicut unum de mercenariis tuis .

4. O quam pœnitet me peccasse , dulcissime Deus ,
quam pœnitet me , quod legem tuam transgressus sum !
amplius lava me ab iniuitate mea , & à peccato meo
munda me .

5. Domine Deus meus detestor peccata mea , abo-
minor universa flagitia mea , confiteor ingratitudinem
meam , & configio ad aram misericordiæ tuæ .

6. Ablue me , Christe Jesu , pretioso sanguine tuo ,
& munda me ab omni peccato .

7. Sana Domine animam meam peccatis vulnera-
tam , unge oleo gratiæ tuæ cicatrices delictorum meorum ,
ne quæso despicias me .

8. Domine Deus piissime , ab hac hora nunquam

transgrediar legem tuam , nunquam amplius consentire
volo in aliquod peccatum : malo incurtere omnem pœ-
nam , omnem infamiam , atque ipsam mortem , quam
deinceps peccare .

9. O Pater amantissime , da mihi ut faciam fructus
dignos pœnitentiaæ , & puniam delicta mea debita casti-
gatione .

10. Erravi sicut ovis quæ perierat , audio tamen dul-
cissimam vocem tuam : Tu fornicata es cum amatoribus
multis , tamen ad me revertere , & ego suscipiam te .

DECAS II.

1. **N**unc cœpi , Domine , nunc vivere incipio , non
in fortitudine mea , neque in virtute brachii mei ,
sed in multitudine miserationum tuarum : confirma hoc
tui , quod operatus es in me .

2. Tu , Domine , integros sensus , & cor docile tri-
busti mihi : sed heu me miserum & infelicem , quia om-
nibus bonis tuis abusus sum . Tu vero Pater misericors
peccantem revocasti , & à pœnis inferni liberasti .

3. Doleo & angor vehementer ob innumera peccata
mea , quibus te benignissimum Redemptorem offendit ,
diaboli servum me feci , indignationem tuam provo-
cavi .

4. O si nunquam , Amantissime Pater , præcepta tua
transgressus essem ! ô si nunquam in tantam miseriam , &
calamitatem incidissem ! ô si nunquam peccassetsem ! ô
illos felices , qui innocentiam non perdiderunt , qui ba-
ptismatis gratiam illibatam custodierunt !

5. Statuo , summe Deus , in posterum non peccare :
firmissimè propono tua sanctissima præcepta non trans-
gredi ; verè & ex corde decerno cum adjutorio gratiæ tuæ
universam legem implere .

6. Respice in me , Domine , oculis misericordiæ tuæ ,
dele præterita peccata mea , concede mihi per bonitatem
tuam gratiam emendationis .

7. O quanta fuit haec tenus ignavia mea ! tempus ad pœnitentiam concessum perdidi, gratiam & auxilia rejeci, vocibus tuis, quibus me vocabas obsurdi : & nunc, Domine, quid faciam ? Pœnitet me peccasse, miserere mei.

8. Eheu Domine Deus, quanta sunt vulnera mea, quanta infirmitas & pravitas mea, pro quibus sanandis crucifixus es, & occisus?

9. Deus propitius esto mihi peccatori : Jesu Fili Dei vivi miserere mei.

10. Dominator vitæ meæ, ecce vides quia non est in me bonum, nec sanitas animæ meæ : miser & cœcus sum, nihil possum, nihil sum sine te.

DECAS III.

1. **O** Salvator piissime, tu scis quot mala commisi, quot bona omisi, propitius esto mihi & salva me.

2. O magna domus Dei quam vilis mihi fuisti, & quam turpiter te pro nihilo contempsi !

3. O quam justè me in infernum detrudere poteras, justissime judex, & mihi clementer pepercisti !

4. Confiteor, Domine, me omnium quos mundus habet vitiosissimum esse ; sed nihilominus in immensa confido bonitate tua. Et si sunt super numerum peccata mea, non est etiam numerus misericordiæ tuæ.

5. Deus tu scis insipientiam meam, & delicta mea à te non sunt abscondita. Delicta juventutis meæ, & ignorantias meas ne memineris.

6. Deus meus misericordia mea, oro te per dilectum filium tuum, da mihi virtutes amplecti, vitia rejicere, terrena calcare, cœlestia sitire.

7. Væ tempori illi, quando te non cognoscebam summum bonum animæ meæ : væ cœcitati illi, quando te non videbam.

8. Domine Deus meus, quando plenè mihi moriar,

& tibi vivam ? quando me ab omnibus rebus terrenis expediām ? quando sensus meos & affectus plenē cohībebo & quicquid est in me vitiōsum frenabo ?

9. O si jam mundū contemnerem ! o si terrena calcarēm ! o si quod amant mundani pro nihilo ducerem !

10. Utinam ab omni vitio purgatus & ab omni inordinata affectione emundatus divino illapsu dignus essem & cœlestium charismatibus gratiarum !

DECAS IV.

1. **M**ortifica, Domine, passiones meas, cohībe illas & moderare amore & præsentia tua, ne me perturbent ; sed magis ad id juvent, cuius gratia eas dedisti, ad bonas scilicet operationes.

2. Amove à corde meo inanes cogitationes & verear illud evolvere in conclavi animæ meæ, ubi tu habitas, quod si ad notitiam hominum venturum esset, cogitare erubescerem.

3. Vilescat mihi, Domine, omnis creatura & nihil mihi placeat, nisi tu.

4. Dulcis Jesu, quam amabilis est gratia tua, quam suavis amicitia tua ! ne quæso abjicias me propter peccata mea.

5. Ne projicias me Deus à facie tua, accelera, precor, & sensus meos erue citò de luto fæcis.

6. Ablue me, Domine, pretioso sanguine tuo, fana me vulneribus tuis, sanctifica me amarissima passione & morte tua.

7. Qui plasmati me & per crucem tuam redemisti mundum, adjuva me & miserere mei.

8. Aperi mihi viscera benignitatis tuæ, clementissime Pater, recipi me in gratiam tuam & dimitte omnia peccata mea.

9. Damishi, Domine, fortis & patiens tantam contritionem, quantam scis deberi peccatis meis. Peccavi, miserere mei.

10. Hic ure , hīc seca , ut in æternum parcas : hīc me
castiga & noli in futurum reservare mala mea.

DECAS V.

1. **P**eccavi super numerum arenæ maris ; indignus sum,
Domine , miserationibus tuis , sed misericordia tua
superat scelera mea.

2. Nonnè dixisti , Domine , gaudium esse in cœlo super
uno peccatore pœnitentiam agente ? Exple igitur hoc gau-
dium in cœlis de me .

3. Tu Domine , qui non vis mortem peccatoris , sed ut
convertatur & vivat , largire mihi vitam , qua destituor .

4. Venistine , Domine , ut justos traheres ad te , an ut
peccatores ? Si peccatores , ecce me maximum omnium ,
trahe me ad te .

5. Miserere mei Deus secundùm magnam misericor-
diā tuā : & secundùm multitudinem miserationum
tuarum dele iniquitatem meam .

6. Asperge me Domine sanguine tuo & super nivem
dealbabor .

7. Cor mundum crea in me Deus , detersis sordibus
animæ meæ .

8. Redemptor animæ meæ , quamdiu avertis faciem
tuam à me & non succurris gementi ?

9. Ecce me filium prodigum & prodigo deteriorem : mi-
serere Pater & dona me annulo & veste & dignum fac
amplexū tuo .

10. Non sit frustra pro me fūsus sanguis tuus , dulcissime
Salvator , sed in salutem & vitam æternam .

DECAS VI.

1. **Q**uousque non mederis vulneribus meis medico-
rum peritissime & clementissime Jesu Christe ?
Ecce cœcus sum ad videnda quæ recta sunt , claudus ad
obsequia tua , surdus ad monita , mutus ad preces , para-
lyticus ad opera bona : miserere & saname .

2. Sanguine tuo medere mihi Domine & cura vulneribus tuis vulnera mea.
3. Domine ne in furore tuo arguas me, neque in ira tua
coscripas me.
4. Eece ego servus tuus sum & filius ancillæ tuæ, lœti-
fica animam servi tui, quoniam ad te, Domine, animam
meam levavi.
5. Non mereor filii nomen & tamen tu pater es: semper
sis, ut semper sim filius.
6. Deus tu scis insipientiam meam & delicta mea à te
non sunt abscondita. Utinam non peream in insipientia
mea!
7. Dixi, Confitebor adversum me injustitiam meam
Domino, & tu remisisti impietatem peccati mei.
8. Non veniat mihi pes superbiæ, & manus peccatoris
non moveat me.
9. Delicta quis intelligit? Ab occultis meis munda me
Domine, & ab alienis parce servo tuo.
10. Memento quæso quod sicut lutum feceris me & in
pulverem reduces me.

DECAS VII.

1. **N**on intres in judicium cum servo tuo Domine,
quia non justificabitur in conspectu tuo omnis vi-
vens. Misericordia indigo, pacem quero, non judi-
cium.
2. Vide humilitatem meam & laborem meum; & dimit-
te universa delicta mea.
3. Ostendo tibi Pater immania delicta mea, quæ liben-
tiùs occultarem, si possem & oblitterarem sanguine cordis
mei. Arque utinam aboleantur unâ guttâ sanguinis dile-
ctissimi Filii tui, Redemptoris mei, ne appareat coram te
fœditas mea.
4. Heu me Domine quia pejor dæmonibus sum & in
natura quidem manifestum est, in moribus etiam fateor,
nam video plura in me peccata, quam in illis.

5. Consiteor tibi Deus meus dedecora mea in laude tua :
recolo coram te scelera mea , non quod ea amem , sed ut
amem te lumen oculorum meorum & fons misericordia-
rum.

6. Purissime & sanctissime Deus , malo millies mori ,
quām te vel levissimē offendere.

7. A nullo hoste magis timeo , quām à meipso . Quis
me custodiet à meipso ? Non utique ego . Nisi enim tu cu-
stodieris me , frustra ego vigilo ad mei custodiam .

8. Veni Domine ad me , quia longè recessi à te . Doc-
me venire ad te , non enim possum , nisi tu qui es via , do-
ceas me .

9. Detestor peccata mea , Deus meus , corde salva-
toris mei . Sicut cor Jesu ea flevit , ita ea ploro & abomi-
nor .

10. Quis mihi det ut sit magna velut mare contritio
mea , ex quo lacrymarum flumina exeant , & in illud in-
trent , ut iterum ac perenniter fluant ?

DECAS VIII.

1. **O** Ubi estis lacrymæ , ubi dolores ? Deserite omnes
& in me tot scelerum reum agminatim irruite .

2. O quām bonum erat mihi si natus non fuisset : ne-
que enim vitam mihi dedisti , ut te offenderem Deus
meus .

3. O Sol mundi oculæ , qui me toties peccantem aspe-
xisti , utinam me deinceps non nisi dolentem & lugentem
aspicias .

4. Contremiscite omnes artus mei ad horrificum no-
men peccati . Et vos omnes creaturæ vindicate in me Crea-
toris offendam .

5. O qualem Deum offendi , quām amabilem , quām
amantem mei , Deum dilectionis , beneficentia & boni-
tatis !

6. Quid iniuitatis inveni in te , ô bone Jesu , ut tam
crueliter , tam impiè agerem tecum ?

7. O si quod factum est possem infectum reddere ! ô si tempus præteritum revocare ! quam libenter cum perdi- ta innocentia vitam commutarem !

8. Pœnitet me peccasse Deus meus , semperque pœnitēbit : & si possem infinito dolore dolerē quod offendierim te .

9. Convertere Domine & eripe animam meam , sal- vum me fac propter misericordiam tuam .

10. Vide Domine afflictionem meam amaram nimis , quia non est qui auxilietur mihi , nisi tu Deus meus .

DECAS IX.

1. Siccine permittis , Domine , me indignissimam crea- turam tuam à terra sustentari ? ô quanta est boni- tas & misericordia tua !

2. Placare , Domine , ostende mihi serenum vultum tuum .

3. Ecce Deus tuus , anima mea , ecce qui delet peccata tua : vide quanta pro te pertulit , quanta charitate te dili- git : cave ne unquam ab eo discedas .

4. Hoc unum à te peto , Domine mi , exaudi me , ut non peccem , ut cognoscam & faciam voluntatem tuam .

5. Veni Domine in cor meum , fac flagellum de funicu- lis & ejice ab eo omnes profanantes dominum tuam .

6. Da mihi , Jesu benignissime unam extuis lacrymis , quas pro me uberrimè effudisti , ut eam offeram Patri tuo in satisfactionem pro peccatis meis .

7. Recipe fugitivum tuum , clementissime Pater , pa- teat mihi pulsanti janua tua , accipe me fugientem ab ini- miciis .

8. Mortifica & ayelle à me quicquid displicet tibi : vi- vivifica & auge in me quod tibi placet , tu qui mortificas & vivificas .

9. O Pater amantissime , si vis potes memundare . Sana animam meam , quia fateor me peccasse .

10. O si omni vitio carerem ! ô si sensus ab illicitis ob- jectis cohiberem ! ô si torus compositus intus & foris es-

sem! Quando, quando ab omni labo purus ero? Quando ita expurgatus & ordinatus, ut nihil appareat in me, quod intuentum oculos possit offendere? Adjuva me Domine Deus meus & peccatricis animæ meæ ablue sordes.

CAP. XII. *Pia desideria ad usum Proficientium.*

Anima quæ à Deo aberraverat, postquam rediit in viam bonam, similis est filiis Israël, quos Dominus in manu fortí de servitute Ægyptiaca liberavit, Sicut enim illi egressi de Ægypto in terram fluentem lac & mel, duce Moysè, progressi sunt: ita anima ad ulteriora procedere debet, contemptis hostium temptationibus ad redditum in Ægyptum sollicitantibus, quia Dominus pro nobis pugnat & adjutor noster est, virtus nostra & tutissimum refugium; ad quem fervidis motibus cor erigere, ejusque opem jugiter implorare debemus piis desideriis & aspirationibus, quæ statui Proficientium specialiter convenient. Harum decades aliquot subjicio in usum & exemplum.

D E C A S . I.

1. **I**llumina, Domine, oculos mentis meæ lumine fidei & sapientiæ, ut te semper respiciam tanquam exemplum mihi datum ad vitam sanctè instituendam.

2. O si vires animæ meæ, Christe dulcissime, per vires sanctissimæ animæ tuæ perficeres & reformares! Utinam ad imaginem tuam me animo & corpore effingam!

3. Deus meus & vita animæ meæ, quis ego sum & quæ domus patris mei, ut præstares mihi tot beneficia? A te Domine & ad te creatus sum: tu requies mea, tu centrum animæ meæ.

4. Bone Jesu, spes mea & refugium meum, saluto & veneror suavissima vulnera tua, immerge me & absconde in illis; imprimè illa cordi meo, ut tui amore totus ardeam & médullitus tibi compatiar.

5. Da mihi Domine intentionem rectam, ut ex filiali